

PAPUA NIUGINI
TANOBADA ENA

NATIONAL BUDGET

1. Budget be dahaka?

Budget be moni ena palani gavamani, company eiava taunimanima ese idia karaia lagani ta totona. Ina moni palani ena budget ese do ia hedinarai moni hida do idia gaukaralaia ena numera inai lagani lalonai, moni abia gabu ena numera do ia hedinarai, bona moni edena bamona do idia gaukara laia ena numera bona dala tata do ia hedinarai.

2. Papua Niugini gavamani ena moni palani ena budget be gau badana momokani.

Gavamani ena moni palani ena budget ese laloa badana ia henia PNG ena tubudaekau ena kahanai bona taunimanima edia noho mauri hanamoa ena kahanai.

Inai totona Papua Niugini taunimanima ese laloa badana danu ia henia gavamani ena moni palani ena budget dekenai.

3. Moni palani ena budget karaia totona be gaukara badana momokani danu.

Inai totona, taunimanima hanua dekenai idia noho taudia ia lao bona gavamani dekenai idia gaukara taudia be lalohadai namodia bona maordia ia karaia moni gaukara laia ena kahanai.

Inai nega lalonai moni davaria ena kahanai be ia auka totona, bema gavamani ese moni palani ena budget ia karaia neganai, gavamani be tubudaekau gaukara badadia dekenai laloa badana do ia henia moni gaukara laia ena kahanai.

Gaukara namodia haidia ita ura henia be do ita gaukara laia lasi badina be moni ena kahanai auka ia noho totona. Inai totona gavamani ese ena Budget dekenai abia hidi gaukara idia karaia edena project eiava tubudaekau gaukara badana be moni ena kahanai durua do ia henia bona edena gaukara be moni ena kahanai durua do ia henia lasi.

Bema Gavamani be lagani ta ena Budget ia hegaegaea vadaeni, moni ena orena be ta do ia noho lasi, unai totona, tubudaekau gaukara haida be do idia karadia lasi.

4. Bema moni gaukara laia ena numera ia daekau momokani, ma moni davaria ena numera ia maragi neganai, gavamani be abiatorehai badana ena metau lalonai do ia noho.

Inai be namo lasi, badina gavamani be moni abia torehai ena metau lalonai do ia noho.

Guna gavamani idia gini gaudia be inai metau lalonai idia noho. Inai totona, hari nega lalonai, Papua Niugini tanobada ena abiatorehai moni be ia daekau atai momokani K7.5 billion maka ia abia. Inai metau be hegeregere, Papua Niugini ena taunimanima tata be K1,500 abiatorehai lalonai ia noho.

Gavamani be lagani momo lalonai ena davaria moni ena kahanai be bada lasi to ena negenege kahanai be bada momokani.

Inai abia torehai dekenai atoa kau (interest) moni be hegeregere K100 tau ta, hahine ta bona maragina ta lagani tata ia henia Papua Niugini abiatorehai moni hamaragia totona.

Gavamani be laloa namona ia karaia inai abiatorehai moni hamaragia dala ia itaia namonamo.

5. Dahaka ese Budget ena laloa bona abia hidi gaukara ia hedinarai.

Budget be gau badadia rua dekenai laloa ia hedinarai.

- i. Medium Term Development Strategy (MTDS)
- ii. Medium Term Fiscal Strategy (MTFS).

MTDS be Gavamani ena moni gaukara laia hatubua dala ibounai seven dekenai ia hedinarai. Inai dala seven be: dala hanamoa ena kahanai, sikuli, hospital eiava clinic hanamodia ena kahanai, taravatu ena kahanai, moni ena davaria hanamoa ena kahanai, HIV/AIDS gorere koua dala ena kahanai, bona taunimanima badadia edia laloa bona diba hatubua ena kahanai.

MTFS ese ia hedinarai Gavamani ese moni hida do ia gaukara laia tanobada lalonai bona moni hida do ia abia torehai diba hatubua gaukara totona.

6. Daika taudia ese moni palani ena budget idia itaia hebou

Papua Niugini ena Finance bona Treasury Minister be dagi badana ia dogoatao ita eda tanobada ena moni palani ena budget ia ese ia itaia mai ena gaukara taudia ida.

Gavamani ena abiahidi orea badadia National Executive Council bona National Parliament ese budget danu idia itaia namonamo gabeamo hamomokani gaukara idia karaia.

Lagani ibounai lalonai, taunimanima momo be Budget totona edia laloa namodia idia hedinarai revareva idia torea eiava hebou badadia hegeregere Regional bona National Development Forums dekenai edia laloa idia hedinarai.

Lagani ibounai Gavamani ena departments tata bona Provincial Departments be edia gaukara laia revareva do idia henia vareai moni durua abia totona. Inai revareva be Treasury Department bona National Planning Department ese do idia itaia namonamo badina National Planning Department ese danu maoro do ia abia guna moni durua abia totona tanobada haidia dekenai.

Inai Department badadia edia budget lalohadai sivarai ibounai be Ministerial Budget Committee ese do ia abia daekau NEC dekenai.

7. Gavamani ese ia gaukara laia moni be edena bamona ia davaria

Gavamani ena moni badana be tax gogoa dekenai ia davaria noho. Tax gogoa ena dala idaidau edia ladana be idia gwau personal income tax, company tax, mining bona petroleum tax, dividend withholding tax, gaming tax bona ma tax haidia Gavamani ese ia abia. Tax haidia be idia gwau domestic tax, kohu bona gaukara karaia dekena amo idia abia ita eda tanobada PNG lalonai (excise, GST, mining levy bona haidia danu). Bona tax haidia be International tax amo ita abia, inai be kohu ita eda tanobada ia rakatania bona ia gini daekau davana ladana idia boiboi import duty, export duty bona excise duty imports dekenai.

Gabu badana ta Gavamani ena moni davaria gabu be tanobada haidia ese durua idia henia Papua Niugini tanobada ena tubudaekau gaukara badadia eiava project gaukara karaia totona.

Gavamani ena moni abia dala ta be dividends eiava ia ena interest moni ia davarua ena business oreadia ese idia henia. Gavamani ena business oreadia haida be Telikom PNG Ltd, PNG Power Ltd bona Eda Ranu. Gavamani Departments haida danu moni idia karaia passport davadia idia gogoa ena kahanai bona land rates ena kahanai eiava tano davana ena kahanai.

8. Gavamani ena moni be edena bamona ia gaukara laia

Gavamani ena moni palani ena budget 2006 ese ia hedinarua moni idia do gaukara laia dala ibounai.

Moni do idia gaukara laia ibounai be K4,829.3 million. Inai moni idia makohia be K1,687.2 million be idia atoa development budget totona. Moni K3,142.1 million be idia atoa recurrent budget totona.

Recurrent budget be inai bamona idia makohia:

Inai bamona moni be National salaries do idia henia (including superannuation & leave fares) 24% (K740.2m); National departments goods and services 30% (K951.9m); Provincial salaries (incl. Teachers salaries) 19% (K610.1m); Provincial Goods and Services 2% (K57.9m); Provincial conditional grants 1% (K37.0m); Transfers to Statutory Authorities 7% (K211.2m); Interest outlays and fees 16% (K497.0m); Gau haida 1% (K36.8m).